

Amra Junuzović – Kaljić  
Zastupnik u Skupštini Kantona Sarajevo  
Sarajevo: 3.3.2021. godine

Kanton Sarajevo  
Vlada Kantona Sarajevo  
Ministarstvo zdravstva Kantona Sarajevo  
Ministarstvo za rad, socijalnu politiku, raseljena lica i izbjeglice Kantona Sarajevo  
Skupština Kantona Sarajevo  
n/r: Predsjedavajući Skupštine Kantona Sarajevo  
n/r: Sekretar Skupštine Kantona Sarajevo

**Predmet: Zastupnička inicijativa za podršku Dnevno rekreativnom centru Menssana**

**Poštovani,**

**U skladu sa članom 106. Poslovnika Skupštine Kantona Sarajevo („Službene novine Kantona Sarajevo“, broj 25/10, 14/11, 19/11, 7/12, 26/12), upućujem zastupničku inicijativu da se u budžetu Kantona Sarajevo iz sredstava Ministarstva zdravstva i Ministarstva za rad, socijalnu politiku, raseljena lica i izbjeglice predvide sredstva za podršku Dnevno rekreativnog centra Menssana.**

Obrazloženje:

Udruženje za zaštitu mentalnog zdravlja Menssana osnovano je 2012. godine, u sklopu sveobuhvatne reforme zaštite mentalnog zdravlja u Bosni i Hercegovini. Osnivači i članovi udruženja su korisnici usluga iz domena mentalnog zdravlja i profesionalci u segmentu mentalnog zdravlja. Udruženje Menssana u svom radu koristi interdisciplinarni pristup srodnih naučnih disciplina: medicine, psihijatrije, psihologije, psihoterapije, socijalnog rada i drugih naučnih i srodnih disciplina, te umjetnosti i sporta. Poštujući principe inkluzivnosti, Udruženje uključuje svoje korisnike, osobe sa psihičkim poremećajima u aktivnosti planiranja, realizaciju i monitoring aktivnosti Udruženja, te stoga predstavlja specifičan oblik udruženja građana - korisničko udruženje (user-led organisation) u kome osobe sa psihičkim poremećajem ili smetnjama predstavljaju eksperte po iskustvu i najbolje zagovornike svojih potreba.

Udruženje ima potpisane Sporazume o razumijevanju i saradnji sa relevantnim ustanovama (Psihijatrijska bolnica Kantona Sarajevo, JU Dom zdravlja Kantona Sarajevo) i nevladinim organizacijama koje također okupljaju korisnike usluga u mentalnom zdravlju i drugih udruženja, te je uspostavljena odlična saradnja sa Klinikom za psihijatriju Kliničkog centra Univerziteta u Sarajevu.

U junu 2019. započeo je, i još uvijek traje, projekt “Dnevno rekreativni centar za korisnike usluga u mentalnom zdravlju” (Dnevni centar) finansiran od Švicarske razvojne agencije, kroz Projekat mentalnog zdravlja u Bosni i Hercegovini. Centar okuplja osobe koje su korisnici usluga u sistemu mentalnog zdravlja u Kantonu Sarajevo. Korisnici ovog projekta su osobe sa težim psihičkim poremećajima i njihove porodice gdje su na jednom mjestu dobili različite usluge koje poboljšavaju njihov kvalitet života sa posebnim fokusom aktivnosti na rehabilitaciji i resocijalizaciji u zajednici.

Centar upošljava dvije osobe po ugovoru o radu i nekoliko osoba po ugovoru o djelu. Među tim osobama su sami korisnici usluga iz domena mentalnog zdravlja. Sve usluge Centra su potpuno besplatne i nisu uslovljene bilo čim, pa ni članstvom u udruženju.

Osobe sa psihičkim poremećajima nisu zanemarljiv dio društva iako su slabo vidljivi. U svjetskoj populaciji, od ukupnih oboljenja 13% odlazi na poremećaje u mentalnom zdravlju, a očekuje se da će do 2030. godine, taj procenat iznositi 15%. Centri za mentalno zdravlje u sistemu JU Dom zdravlja Kantona Sarajevo u 2018. godini pružili su usluge za 22973 korisnika. Procjenjuje se da je od toga oko 25%-30% osoba sa teškim duševnim smetnjama. Svi ovi brojevi ukazuju na veliki broj ljudi u lokalnim zajednicama kojima je potreban ovakav servis.

Dobra praksa ovog centra zahtjeva dalje širenje projekta i plan da se u 2021. godini razvoj usmjeri na djecu korisnika usluga u mentalnom zdravlju, jer su djeca osoba sa teškim duševnim smetnjama marginalizirana i zapostavljena grupa kojoj je neophodna hitna i stručna pomoć.

DRC predstavlja sponu između korisnika i sistema formalne zdravstvene zaštite, jer prati svakodnevno stanja korisnika, ohrabruje ih da se jave na redovne ili vanredne kontrole u slučaju primijećenog pogoršanja i alarmira profesionalce u sistemu zdravstvene zaštite ukoliko dođe do nagle promjene stanja.

S poštovanjem,

---

Amra Junuzović-Kaljić  
Zastupnik u Skupštini Kantona Sarajevo